



常山文集

四


和/6
2214
5



門八和16
2214
3

常山文集卷之十三

權中納言從三位源朝臣綱條輯



詩

七言絕句

巖船山看花

山寺芳櫻射我眸。玉幡瓔珞飾巖舟。有花此地即華藏。九品蓮臺何遠求。

遊少林院。分探庭前樹。余得彩賦之。

卷之十三
羅列長杉蔽佛場。隔離天日露瀼瀼。差肩老
檜古松樹。高聳雲頭碎月光。

和姪賴福櫻花韻

雨止白雲猶未收。清香撲鼻促良遊。攜樽牽
杖芳櫻下。風度笠輕雪滿頭。

謝仙洲長老贈牡丹二首

洛陽三月牡丹芳。風度奉揚蘭麝囊。花先揚
妃傾國色。清平納媚嬈君王。
睡熟猫兒忘否。臧嗅天赤脚老婆香。鹿含花

發三春暮。苦折一枝供象王。

山寺逢三月盡

山寺春殘思悄然。暮鐘聲裏物推遷。不知人
世老頻至。愛綠惜花徒度年。

遊淨光寺聽杜鵑

幽寺尋鵑勞行履。法燈淨光永續晷。倚柱暫
被睡魔妨。聽瑩雲間聲些子。

山寺玩藤

藤蔓莊嚴山寺楹。風搖瓔珞寂無聲。絲條不

得繫春色却引慈恩白氏情

桐華

夏至梧桐華尚奇。清明井上紫雲披。鳳凰不
集去何處。今日既知春德衰。

守春

花謝葉新藏老鶯。風光別我有多情。守春終
夜不能寐。坐到月明鶉一聲。

和清水三世留別韻

孟春相伴出東關。夏始辭吾去。又還。天各一

方千里。月影分武野。與常山。

阿兄之喪未除。適遇丹陽節。古云。居喪

不言韻語。故拗律亂道。

愁中懶遇重五辰。鵬雨滴淚沾山巾。白駒爭
馳更不識。速似吳江競渡人。

雨中荷葉

得疊字

解語猶未情好協。先花坐愛新荷葉。方池雨
過翠蓋擎。晚風香度碧浪疊。

螢

數點夜光珠不如隨風密密又踈踈。火星何事隕天上。流傍書窗分魯魚。

夏日遊和久村民家。竹林構茅店。遠看

青山近臨長流。各分八音字。以賦得

土字。

檻前長流洗竹觀。遠山翠黛接眉宇。遊心物外縱逍遙。行行無處不吾土。

送加藤景通還水戶。

萍水相逢情不窮。臨筵吹袂馬牛風。丈夫元

抱桑蓬志。勿屈一離一會中。

喜雨

分探農夫相與并於野句得野字

久旱草枯土割赭。既喜天河忽瀉下。甘霖誰圓象夢祥。沛然浴澤有莘野。

和前薤山常寂院日周和歌末字。

曾辭薤山一法窟。把茅容膝纔十笏。截斷醉生夢死雲。高挑常寂光明月。

山中秋色

榮辱清貧風馬牛。尊鱸足矣亦何求。山童葉

落月孤靜。長得人間世外秋。

八月十五夜在鷺子村松山看月得名

偶遇中秋忘旅情。松山風碎葉間瓊。清光假有陰晴異。更不能埋今夜名。

雨中鴈偶在旅舍

出塞圖南倦苦辛。一聲和雨助哀呻。蕭蕭檐滴故鄉淚。彼亦來賓我亦賓。

和飯村宗興韻

紅樹交相綠野堂。風翻錦繡碎秋光。行行無

物不詩料。山水有文天。有章

停車坐愛楓林晚

小車中錦往來過。四顧山顏醉樣酡。留日楓林天不暮。秋風揮起魯陽戈。

偶過龍泰院。信筆漫簡種月師。

寂寞禪房遠市塵。月居突兀劈旻天。洒衣曹洞長流水。濯足袋田千丈泉。

月居山名

和種月師韻

偶扣把茅一草廬。人希燕雀狎階除。東籬猶有傲霜菊。三徑未荒停蝶車。

旅中重陽

此地重陽喜偶遭。度山攀嶮自登高。秋風吹霽菊花雨。暫解行裝酌濁醪。

磯原海邊遇九月十三夜

一年兩度有佳名。月泛波濤碎玉聲。洗出冰輪蒼海水。中秋明孰暮秋明。

和小池友賢少年始言志三首

氣清天朗季秋時。風暖東籬餘數枝。松菊猶存三徑下。共高晚節歲寒姿。

喜遶重陽落帽時。黃裳元吉滿籬枝。子安文質賁滕閣。潤色秋容逞妙姿。

春花秋葉幾回時。唯愛後凋霜雪枝。培得青松纔數寸。嬰孩猶抱棟梁姿。

過清音寺賦遊山寺得僧字

閑適逍遙打葛藤。同參方外淡交朋。敲推悟入詩三昧。文字別傳沙門僧。

門音
懣

和知苗閣黎遊久昌敎寺卽事韻

郁郁法華薈蔔林。薰陶四照宅身心。懸河瀉
下三千界。憫笑禪僧兀學瘖。

孟冬十八日扣正宗禪寺。霜葉半落。紅

楓未衰。各賦詩。適興。予感三年前遊

于此。聊注微意云。

今日再過鴉練那。坐來懷舊感情多。紅楓飽
酌修羅酒。風倒醉容山面酡。

落葉

落葉慣聞夢不驚。秋來點滴瀉椽楹。雨聲洗
出窻間月。林缺猶增一段明。

山家冬夕

山窻癡坐兀。筳筴投宿霜禽片點輕。晒背夕
陽天易暮。餘暉纔寄我殘生。

寄雪戀

探題

私語猶殘永夜晨。留歸埋沒雪繽紛。流風含
恨洛神賦。寒氣凝膚姑射人。

山寺冬月

用洪武韻

叢林葉盡月彌明。霜上加霜山寺庭。天冷氣
凝風凜凜。雲間挑出佛前燈。

遊曼多羅寺題夕雁

嗷嗷低度佛場邊。悉旦縱橫抹暮天。回首一
行聲叫斷。倒懸塔影夕陽前。

狗日過小野岡輿中漫筆

元祿九年
丙子

層冰漸解水潺潺。窻曙風溫白日閒。放足高
岡遙矚望。紅霞一片色青山。

青春雨催花

膏雨終朝不放晴。花脣含潤向春榮。油然雲
起茅簷下。滴盡明皇羯鼓聲。

遊旌櫻寺賞花

得左字

旌櫻寺前花滿朶。朝來剪雪漸始墮。雨打風
狂減却春鷓斑。夾徑右之左。

遊松倉大聖院賞花

得枝字

蕭寺巍巍臨斷崖。白櫻橫嶺白雲披。春風香
度樹頭雪。埋沒東西南北枝。

和知苗比丘旅館聞杜鵑

行到水城三五程。友朋談舊慰離情。半醒半
睡旅窻下。聞似不聞鵑一聲。

新綠勝花

得西字

花虛冷笑不言蹊。茂蔭老鶯藏葉啼。新樹四
圍蒼鬱暗。風搖日影碧窻西。

海邊納涼

日落潮平縹緲中。嫩涼一味納懷濃。浪衝海
岸青衫濕。纔漏輕帆滿腹風。

遊那珂港薄暮舉網獲魚

漁舟人、影參差。終日網魚日已斜。波上有
紋誰織得。晚風擲出水梭花。

兔

分十二神為題

明視無雄望月娘。文房雅友四相親。世間爭
利為他有何異。韓盧東郭競

正木湖即景

正木湖邊棹夕暉。水煙風緩晚涼微。暫時倚
棹。放望眼。點破青松白鷺飛。

三木之幹大串元善大原信節等從行。皆和前韻再書眎之。

佳哉山水有清暉。遠望筑波聳翠微。天地雖寬開眼窄。靜看魚躍與鷺飛。

螢分探八陣圖得虎字

螢火秋近。祭庭宇。隨風撩亂雲上舞。夜來衆星隕於天。真偽猶疑市中虎。

會正宗寺探題賦得五月菊時雷啓和尚新命圓覺寓意賀之。

探請秋光菊獨夸。達磨面目梵王家。南風誤復東籬下。先對黃裳元吉花。

串元善原信節歸江府賦新雁送其行探韻得風字

秋來度月一行鴻。離友南歸寥廓中。相約明年如有意。早搏湘左暮春風。

新涼得西字

新蟬隔葉啼。秋風颯至我巖栖。振衣濯足不知暑。山有西兮湖有西。

和依三比丘西山即事

茅店雲蒸鎖竹扉。物皆得處物皆宜。靜閑道
眼無青白。彼一時兮此一時。

十六夜看月得水字

今日既望偶遊此。高倉山鍾丘壑美。昨夜清
光留不留。秋容速過東流水。

仲秋念六日扣飯村宗興黑澤宅登樓
直下倚欄四顧。長流汎匯廬。犇衆山
鬱排闥來。誠隱逸道士所盤旋。騷人

墨客所風詠也。一日遊此樓。放樽酌

興宗興賦一絕似余。即席和其韻礎

樂牽愁緒恨居多。俯仰秋夫飛鳥過。摸景握
毫拈李杜。撥灰煖酒酌陰何。

重陽風雨得君字

重陽終日暗重雲。含潤黃花獨吐芬。雨浥白
衣風落帽。東籬浴出晉徵君。

楓未染探題

九月霜輕不染楓。滿林殘葉滿林風。秋容焦

悴山蕭索。青女慵妝未放紅。

雨後秋山

雨晴氣朗放吟望。翠黛秋衰眉變黃。膚寸雲興天賜浴。朝來洗出滿山妝。

山寺冬景

得靜字

巾烏筇杖驅冬景。四顧尚秀松栢嶺。風葉埋路僧房幽。身到靜處心亦靜。

山家落葉

得鳥字

落葉埋徑人跡少。山童不掩月出皎。深林風

寒無處藏。終夜却迷投宿鳥。

謝肥田政大寄早梅

探支春風梅資始。十月纔看白玉榮。世人皆以皮肉論廣平。獨得花骨髓。

雨後落葉

久雨濛濛連日霖。晚風徐至解重陰。夜來又駭遠檐滴。曉看窻前落葉深。

餞酒泉弘歸江府漫筆戲之

天有酒泉星地酒泉。人中歡伯飲中仙。祇陀唯

戒顯然在。儒亦無量味。聖賢

杲泰寺。卽興示朴巖師。

偶遊穴倉杲泰寺。喜逢季冬日二四。問師過
去。七佛陀。復出人間悟底事。

臘八偶過杲泰寺。禪談茗話。翊日朴巖

長老見投絕句一章。和答二首

寺古山高。一徑深。幽情悶適。屬登臨。堂前元
有長松樹。世上安危質道林。

曹洞源流岸岸深。仰高日月法光臨。山頭風

唱貝多葉。天外雲香。蒼筤林

遊摩訶衍庵。歲暮述懷

世上年光曾不臻。日長山靜養天真。我無萬
里布裘暖。只恨復迎駢拇春。


萬里布裘取諸樂
天新製布裘詩

常山文集卷之十三終

常山文集卷之十四

Faint bleed-through text from the reverse side of the page.

常山文集卷之十四



權中納言從三位源朝臣綱條輯

詩

七言絕句

山中初春

元祿十年
丁丑

我占此地幾多載。四時其改我無改。人間星
霜曾不知。山中別有乾坤在。

三宅小心氏賦絕句一章。以賀頽齡者。

希之算予致仕遁世七年于茲矣誠
天壤間一棄人也胡受賀乎然不能
默止次韻以戲之

世間誰羨漆園椿顧我愧逢駢拇春膏盡燈
殘燼纔在恨猶未出死生塵

遊願入寺賦巖船山鶯

綿蠻公子刷金翎柳蔭春微未隱形埋却巖
船霞一抹鶯琴似隔彩簾聽

海邊霞

夕霏收處海風微浪暖紅霞映釣磯孤鷺齊
飛斜日下漁舟開得錦帆歸

餘寒花遲 得水字

春風谷冷閉鶯晷梅花占魁未放藥冰肌凜
冽結寒姿踈影凍合清淺水

碧桃 得地字

風暖雨育促佳致碧桃先節園既賁淵明
去經幾年此地誰縮武陵地
村島正良亭賞櫻花

注意^ク豔陽去^テ却來早櫻黏履暫徘徊春風吹
碎荆公石壓倒^レ衆芳孤作魁

和正燈寺玄功長老題余瑞龍山壽藏

詩韻

西山風物思悠然樂只醞雞甕裏天疇昔雖
營墳墓地世緣未盡愧驢年

旅亭春月 得寒字

歸雁高飛起我嘆回頭一鏡挂雲端朦朧今
夜旅亭月耐煙霞隔廣寒

三韻遊朝比奈泰通亭賦湖上春望

千波湖上落霞飛柳挾長堤映夕暉遙覓紅
雲措望眼香風滿腹一帆歸

頃日予賞梅花盛開中間七日歸山大

半飄散數枝纔殘於是口號

梅發來兮梅落歸看看昨是又今非三春飛
鳥遽過眼悟入人間生死扉

藥師寺見垂絲櫻耕雪僧正來會 得心字

爲花今日法車臨瓔珞珠搖不聽音只恨風

光離我去垂枝縮出惜春心

海棠

灼爍海棠無力佳。仙遊花下暫忘咱。春風吹
覺楊妃睡。千歲空留西蜀花。

琉球躑躅

羊躑躅歟將杜鵑。琉球異種暮春天。山丹練
得陰陽火。素女妝來向玉仙。

和吳雲老禪西山即興

三月老鶯深樹鳴。紅經綠緯擲梭成。對師半

日偷閒却話盡春風無限情

遊河合村看藤花

蒙密藤花刺眼新。垂枝帶雨紫雲勻。蔓松縷
絡絲千尺。恨不繫留歸去人。

首夏送鵜飼千之多湖直歸江府

綠陰送別酒樽攜。醉倒玉山如蠹泥。相共釀
春春幾日。奇峰雲起隔東西。

元祿十年丁丑夏五月十四日。弟賴雄

卒于江戸第二十四日。寔于瑞龍山

先塋之側。二十六日詣墓。奠酒燒香。
躑躅不忍去。信筆漫道
叩墓試驚長夜眠。辦香無跡一爐煙。須雖原
隰我求矣。不意山中棄爾還。

七夕雨

仰看牛女七襄商。雨洗天街夜色涼。填得漲
來銀漢水。厲深揭淺二星裳。

八月二日進藤大和守泰通訪我西山。

共賦山家秋興。闕韻得樹字。

風葉埋沒西山路。杖履印苔得恩顧。共酌濁
醪蓬牕中。醉了縮盡銷魂樹。

送井上玄桐歸京師

送言相約大力頭。一轡離愁風馬牛。楓錦襲
衣千里客。屋梁殘月故鄉秋。

題旅鴈送名越正通松浦守約之江左

離伴嗷嗷羈鴈哀。度風叫月白雲隈。不堪二
十五絃怨。相約年年去却來。

落葉得平字

月射紗窗帶雨聲。朝看木葉向風鳴。紅楓落盡秋容老。醉面山醒冷屈平。

開爐 得一字

爐底活火環堵室。引暖忘寒心既逸。終夜温酒吹烏銀。我亦醉翁笑六一。

早梅

臘底梅開傲雪霜。寒風吹玉不琳琅。一陽來復一枝上。纔漏春光動暗香。

孟冬念三日偶過天德禪寺心越禪師

之塔

恭詣越師墳墓前。叫天打地欲驚眠。一朝挑起法燈火。照破東方萬八千。

途中遇雪

朝來雪散襲銀鞍。路白馬黃行路難。逆旅更無弘景贈深衣。君實不堪寒。

立春雪

風翻玉帶倒銀盃。臘底如何春忽回。林上同雲凝不散。雪花撩亂先年開。

仲春朔偶過潮來長勝禪寺共登後山。

放眼東南水天一色。雨奇晴好。即興

口號

元祿十一年
戊寅

緩牽藜杖扣雙林。攀上長勝萬仞岑。一口吞
來波逆水。滿吭吐出海潮音。

波逆

湖名

和長勝寺祖祥長老韻

停馬海雲山下村。開懷放目窄乾坤。老僧引
我苦分座。玉帶羞無鎖此門。

會久昌寺方丈賦每年見梅

忘却離騷詈屈平。每春抱恨苦吾情。晨香暮
色茲年亦。愁殺前村牧笛聲。

遊烏田長德寺看藤花

水移花影水還勻。豔豔蒙茸刺眼新。蔓草繫
船行不得。波頭高聳紫綸巾。

心越師有佛國禮普陀大士像詩云。千

尺巖頭湧梵音。松濤萬壑徑幽深。雨
華盡見皆甘露。總是大悲不二心。偶

過巖谷山見之。薰誦再三。卽時繼韻。
銀濤殷殷海潮音。下看水流巖谷深。甘露滿
山無悴色。慈雲法雨大悲心。

出佛國寺過高野村山家

夙出僧房三四程。水流激石咽而清。兩峯夾
徑沾空翠。行過一山鵲一聲。

布穀

春夏之交不失時。鴈鳩擇木止深枝。終宵啼
破情農夢。布穀窮民將救饑。

問和魯山禪客過西山見寄韻

幾年面被達磨牆。挑起法燈千歲光。海口懸
河驚俗耳。喝雷殷殷走阿香。

梅雨 得照字

柱礎潤處峽猿嘯。海霧連邊蜀鶻叫。黃梅時
節暗愁雲。螢火不消帶雨照。

柳下納涼 探題

蒲柳先衰燈可親。翠絲隔日晚涼新。南風颯
至北窻下。我亦羲皇上世人。

至北題烏蘭會
家設懸盆菓菓陳誦經乞食惑愚民何奚今
繼目蓮武無罪親為有罪人

喜雨

晚風吹雨洗焦枯朝野交相足自娛不意今
蒙顏氏澤早由稼穡一時蘇

八月十四夜

秋來今夜昊天清輾出雲衢輪未成月示人
間敬器誠將圓還缺一分明

羈中間雁

旅窗獨坐到深更今夜始聞邊雁聲輾轉難
成茅店夢吹燈挑起十年情

綠岡感舊

檐落園荒感慨多熟思往事鳥飛過一詩一
酒皆如夢松冷風吟麥秀歌

和詠霰韻

維霰下零冬日天如何雷鼓殷無邊雲頭忽
雨鮫魚淚白玉寒光照眼鮮

醫生數原宗的是歲八十。作歲且和歌
寓微意取其末字以壽遐齡

元祿十二年
己卯

八十衰翁八百彭。壽眉侑酒介春榮。曾聞仁
者有陰德。醫國醫人自有成。

小川湖上望筑波山

雪縱寒威春不和。山頭忽老兩丫髻。遠望遙
嶺眩銀海。高擎同雲築白波。

孟春念二日訪小川淨堅寺。翊日風嘯

長老賦詩申謝。卽席次韻

偶尋山寺扣禪儀。老大誰鞭竹馬時。三尺牧
童吹鐵笛。落梅恁麼出橫枝。

遊旌櫻寺。探題賦得禪房花木深

蟠屈旌櫻幾度年。深林密處白鵬翩。拈花微
笑花還笑。笑破花顏磊直禪。

綠陰閑宴。得鶯字

新綠陰中得其趣。酒闌不知日欲暮。游豫有
度勿敢荒。舉盃樹下歌振鷺。

海邊眺望送人歸江府 得十字

攜手徜徉海岸邊。遠措望眼水連天。君看潮
有去來數。祖酒掃愁傾十千。

長谷僧正宜春和尚辱和余詩。主復不

忍釋手。再步韻。礎二首

數里聲聞長嘯峯。人皆州上仰高風。跂望雲
樹勞遐想。日日盧塵積我躬。

惟儼禪師夜登山見雲開月現天嘯下
聲聞數里故名長嘯峯盧仝詩轆轤無
繩井空挂渴心
空去生塵埃

茅舍柴門對翠峯。檐牙咬雨竹呼風。箕居盤

礴西山下。復為世人何鞠躬。

居說文通作踞押韻淵
海五斗安能為鞠躬

過中山信敏亭。賦寄鶴祝。

玄裳刷羽編衣鮮。展翅御風長友僊。不忘乘
軒千歲戒。佳聲高發九臯天。

竹生兒孫

子葉孫枝遶竹籬。雷霆勃起籜龍兒。下下有
接青雲勢。待見猗猗君子姿。

夏述懷

中山信欽來謁西山和歌會

火雲皆苦日流金。邂逅欣逢傳說霖。侵暑行人如有意。炎蒸不至筑波陰。

山居夏興

得氣字

世上火雲海波沸。山間風物別有味。心靜不知溽暑侵。坐石漱泉掬涼氣。

素聞三宅緝明探學淵。飲文字不意今

日邂逅于此對酌酒闌。叨抽短律戲

之

久驚我耳轟雷霆。風度相逢水上萍。驟雨一

過涼洗暑。忽開柳眼放垂青。

再和前韻

露談灑灑起風霆。難遇海中兩葉萍。跂望幾

番回首處。雲披忽喜視天青。

蓮池晚興

得清字

白兔結毫翠管擎。葉間雪映夕陽明。風翻無
熱池邊水。佛座莊嚴玉露清。

山家賞秋 得秋字

新涼侵牖火西流。池貯月光松喚颺。這箇山中雖遠世。勿忘皮裏有陽秋。

山行采蕈

靜覓松菰度岸崖。杖藜終日樂怡怡。地仙非敢不煙食。喫了商山四皓芝。

題華藏院鄰家楓

一樹江楓沙門家。風吹漁火入窻紗。飽霜紅葉日難暮。揮返魯陽三舍戈。

門音

落葉

樹端殘葉僅留秋。風冷林疎山更幽。深染紅塵宮女恨。奚人題詠禁城溝。

十一月三日聞藥王院論義戲作

盈耳台徒心色論。風幡動處倒沙盆。斜陽影戢雙林冷。叫斷晚鴉爭宿喧。

旅亭夜雨和道昶師韻

夜深雨靜四無聲。朋友兩三斟酒更。醉後茗談扶旅况。檐間滴盡務觀情。

早梅

得深字

梅放芳唇含石心。凜凜沒被雪霜侵。番風未
至暖雖淺。屋後一枝春意深。

冬川

探題

山肥川瘦李冬朝。遙望同雲鎖寂寥。流水半
分平地雪。似青帶束白衣腰。

遊太田淨光寺賦遠山雪

雪融泥滑厲衣裳。藜杖牽吾扣上方。寒逼東
山冰柱聳。回頭銀海眩斜陽。

梅花久薰

會久昌寺

暗香次第益精神。先者餘妝後効鬢。好是北
南遲速異。長教騷客主張春。

梅

得再字

深衣玉色常相對。鐵腸石心無妖態。南枝散
盡北枝開。一庭風光春也再。
那珂港樓上遠望

放眼寅賓樓上望。心灰情木兩全忘。杯看蒼
海窄。天地不若道遙何有鄉。

夏月 探題

溽暑炎炎金未流。呼風乘月上高樓。雲開已
漏半規影。天賜微涼一點秋。

人麻呂 探題

嘉名千載藉無窮。木末雲香吉野峯。明石扁
舟入歌後。一聲欸乃有遺風。

舟中即與和答安積覺

瑟瑟菰蘆分水涯。群鷗啄步篆平沙。舟中枕
藉沿流酌。回首斜陽眩眼花。

月洲師住玉泉寺。余始扣禪扉。走筆題

一絕兼簡座客

流水無冰送玉泉。何疑一喝野狐禪。腥風挽
起卧龍睡。法雨慈雲覆大千。

山家秋雨

雲關巖戶不吹晴。寂寞草庵無限情。秋末霜
輕山色未忽驚。風葉打窻聲。

常山文集卷之十四終

常山文集卷之十四終

常山文集卷之十四終
（此處為非常清晰的淡色印文，內容與正文重複，包括詩詞及題詞等。）

常山文集卷之十五

權中納言從三位源朝臣綱條輯



詩

四言

題畫梅

平色明道。心易堯夫。依然馨德。花中之儒。

偶作二首

事君以忠。報親以孝。撫民以仁。愛子以教。

無為而化。自然而成。善矣至矣。惟德惟明。

脊令

原有脊令。載飛載鳴。慨然歎息。吁奈弟兄。

賀卜幽叟古稀壽算

覺覺野父。學邃業昌。淵源伊洛。吐納左莊。一朝講經。千里擔囊。教訓解頤。文字撐腸。當時模範。與古頡頏。稱老致仕。杖國養廉。容貌未衰。矍鑠誰當。暮春之仲。誕辰惟良。申禮申賀。如陵如岡。海屋添籌。庚星垂光。松柏後凋。龜

鶴呈祥。聊酌春酒。于舉壽觴。

綠岡

箕川村別莊

綠之岡兮。于占山莊。松柏茂矣。玉音瑤兮。岡之綠兮。松柏沃兮。優之游之。樂也足兮。歲寒而后。松獨秀兮。君子居之。何陋之有。

綠岡十境
有君子林

綠岡三章章四句

六言

題畫山水

咫尺遙望萬里。瀟湘外洞庭前。高山兀帶湖水。遠樹森籠暮煙。

有矮人雨者。常在側。時歌舞感興漫筆。物有小大之異。共是稟彼天真。不獨道列民耳。勿漫納貢勞人。

哭醫士野間三竹女殤

暴風卷帆迷埃。可惜摧宜室材。千歲遺居易。恨一朝失謝家才。休言緩急無益。其奈椿萱。至哀薤露何時得。曠招魂更不歸來。

遊石岡偶作

次宿磯原草舍。遊觀處處停車。探秋緩攜藜杖。迎節纔開菊花。翠嶺遙橫翠黛。紅楓映晒紅霞。流無息潭無底。石可數魚可叉。風自北嘶野馬。日沈西噪林鴉。莫耽樂忘民苦。夫務農婦績麻。

和安積覺野遊即興三首

霜林缺漏斜照。楓葉紅天亦紅。浩浩然遊世外。悠悠爾樂山中。

三四稀飛喜鵲。百千囂惡啼鴉。把茅好蔽風
雨也。足如何宅家。
植杖逍遙勝樂。金中淪趙。刈茶攜樽。緩步增
井。盃上浮彭澤花。

小島楓葉

任筇到一小舍。遶舍楓葉飽霜。仙人鍊丹鉛。
藥青女。逞臙脂妝。吹起火燒林上。寸斷錦曬。
夕陽。夜易明。天難暮。紅繼晷。短日長。

丁丑五月。弟賴雄平于江戸第。曾歸佛。

故賴道揮金布施。修佛事於淨鑑教

院。六月朔參神位。點茶上香。

哀哉抱孔懷。愁對牌燒香。薦饑爵祿。惟原上
露。死生亦海中。漚昔同居共長枕。今託體依
一丘。魂若知。予告爾。月西流水東流。

遊正宗寺。賦山寺。歲暮。得亦字。

風寒不忍冬迫。山寺寂。希行客。烏兔頻爭走。
過歲莫矣。我歲亦

古寺看梅

春暗動古寺，梅瓊姿清，不受埃月，欲補貝多，
缺影牕寫小字來。

杜若

我邦誤紫羅藍，將杜若誰名之。一名自入八橋，
詠詠亦奇花亦奇。

那珂川舟中

攜友乘一葉舟，四顧遙放遠眸。棹擘天，逆潢
漢網獲魚曬河洲。酌景飲醉佳興，扣舷既恣
勝遊。歡樂須隨處樂，雲自飛水自流。

雜體

酌垂絲櫻下 每句用韻

招友後園快晚晴。辰良景美四難并。步履躑
躑更弄櫻。細縷阿那不堪鶯。花似海棠映日
清。枝如柳條隨風輕。垂絲撩亂太有情。佩玉
鏗鏘聞無聲。羅笠檐下舉舡觥。錦繡席上命
管城。遊春共結詩酒盟。相約多年寄吾生。

櫻花 一三五七九言

春晨白櫻發。玉雲勻。燕雀剪雪去。蜂蝶逐香。

臻。枝頭露重，楊妃浴。芳姿煙籠，西子鬢。書窗
風靜，萋萋愛日，永畫簾花飛悠悠，樂天真。

梅 二四六八十言

梅發花濃，清砥孤竹。德玉馬公，踈影橫西湖。
月暗香動，東閣風復。請揚州，任彼何遜，徒圓
羅浮。夢是師雄。春日長日長，勸醉日易暮。逸
興飛興飛，無詩興亦空。

開爐 三五七言

地爐閑。暖氣催文武。云吹火。陰何復撥灰。克

已，工夫纔點雪。紅麟燒處鑄顏回。

和吉元常綠岡，即興韻。

松鬱鬱。竹森森。前港千波水。後聳雙尖岑。易
容膝安志也足。來巢一枝鷓鴣林。

詠菊

愁節去。喜秋還。菊依存徑茂。枝好傲霜攀。隱
逸花宜予。隱逸南山今却屬西山。

九月十三夜

終日雨。到酉晴。雲收無點翳。月出有餘清。此

興一年纔兩度。人生幾許勿傷情。
再用前韻。和安積覺。

秋之暮。天乍晴。露灑金波冷。月明玉宇清。而今又是繼華會。憶得寬平千歲情。

周蘭禪德遊學京師而歸。途過武之僑居。茗談信宿。匆匆分袂。臨行。驢三五

別悠久。逢須臾。垂青話舊事。又何歌驪駒。歸山老師若相問。前度紅楓今一無。

田舍郎興

乘興步杖藜。來靜依竹窻。下遙望櫻雲堆。雲間琢出嫦娥鏡。座上飽傾鸚鵡盃。

重陽雨 九言

此地幸喜遇重陽。佳節古入所謂風雨秋滿城。晨把菊花輕泛桑落酒。釀屈子來兮斟酌。淵明。

重陽日。酒泉弘訪予。西山草廬既。構心降。握手寒暖相與優游。詩彼酒此官。

事無監。速_ニ捶_ニ驪_一駒。仲冬初五。臨別_ニ追
錢。聊賦_ニ九_一言。以代_ニ陽關_一三疊。

邂逅相視垂青兩_ニ懽_一然。談笑未盡匆匆促別
筵。山園水流共賞樂仁智。雨夜月夕對酌試
聖賢。勿_レ讓_ニ雁行_一常陽雲霞境。自此寬望江東
日暮天。子歸告_ニ史臣_一成功何歲歲不待人_レ我
去_ニ薦墓前_一

春初試筆

五平五仄體
元祿三年庚午

一夜盡改舊。三元皆呈新。燕燕點柳眼。鶯鶯

搖梅脣。睨_レ睨喚起我。醪_ニ醪_一微醺人不_レ謂老既
迫。年年歡迎_ニ春_一

秋盡

分_ニ州_一木黃落兮雁南歸
句_ニ得_一木_一字每_ニ句_一押_ニ仄_一字

鳥兔過眼速。三陽從今伏。徑_レ荒傲籬菊。霜後
高_ニ節_一竹。忍_レ寒抱幽獨。鄰_ニ冬_一驅_ニ滕_一六_ニ葉_一落_ニ山_一頭
秃。栖鳥何擇_ニ木_一

送今井順齋

一句仄一句平體

我亦逆旅客。送客離筵風吹_ニ秋_一心悲。要見_ニ武
野廣莫雪。相期_ニ初冬_一輕寒時

送村顧言之江府

欲見武野草際月何違常陽花前春會面曷日不可識猶期秋風吳江蓴

醫師松村伯胤作無用偈以揭軒余見

之戲效其意云 三句押同字

樗櫟大無棟梁用毛錐銳無鎗劍用無用無用亦奚為不若用無用之用

分安積覺夢得野水月縱橫五字闡得

月字

開襟光風吟霽月朝醉夕醉江泌月雲收月明衆星稀仰看文苑一輪月

偶作二首

熟懷往事唯如夢人世夢中又夢夢夢醒圓

夢夢幻身也是邯鄲枕上夢

若是云至人無夢周公何入孔丘夢流轉醉

生夢死中不知物化胡蝶夢

和答釋朴巖

并引

果泰寺朴巖和尚過余山莊攜清茗壹筵

連珠三章見贈。啜茶嚼詩。口生甘美。將芳韻。恐玳珠雜玉。請和尚琢磨而視焉。自吹活火。手親煎。折脚鑪中雪乳鮮。茗話爐談情莫逆。座闌共味趙州禪。座闌共味趙州禪。瀹則川借問。老僧成底事。行餘時。漱沁詩泉。行餘時。漱沁詩泉。求句苦吟曾不眠。今日汲來曹洞水。自吹活火手親煎。

秋興 人名體

心亦昭明秋仲月。安仁味道學憲前。雁鴻漸陸聲清亮。出塞向陽能樂天。
湖上春望 漁父詞

波逆煙雲日夜浮。風温湖上縱吟眸。光灑艷興悠悠。春酒傾來忘旅愁。

越調一闋送村顧言之江府

別恨千千萬萬悲。柳絲何不繫征衣。鴻雁至。稻梁肥。低度秋風勿負期。

春日書懷 建除體。用五行字。

木德舉仁風。吹萬皆熙熙。火食清明日。猶懷
介子推。土牛送寒去。處處雨一犁。金甲小兒
拳。采薇味伯夷。水邊籬落梅。鄰笛復動詩。

丁酉試筆

離合體
明曆三年

打聽霜鐘先報曉。手龜懶試管城公。酒牽陽
氣春頻至。水逐暖風冰始融。

送鵜飼千之多湖直歸江府

離合體

鵲巢哈我拙。鳥會共為群。愷悌巖栖士。豈蒙
紫陌塵。男子家四海。十方皆弟昆。剛節歲寒

色。岡上松孤存。

十二月九日雪

扇對

臘底黃雲密。鵝毛逐吹輕。窻寒燈影暗。別得
讀書明。夜靜塵談熟。忽聞折竹聲。蒼髯松白
髮。感物痛予情。

冬日後樂園即興

雜言

後樂園後樂園。隨時已不棄四時。所所設席
休樹下。攜樽提榼舉玉卮。登山靈運屐。涉園
淵明辭。注酒煖林間。乘興棹方池。楓葉謝秋

山更冷。松柏經霜色不衰。板橋橫卧龍。巉巖
欹蹲獅。烏鴉日浴不去污。振振鷺鷥涅不緇。
淤泥育蓮藕。腐朽生靈芝。外物因習物皆然。
上智下愚曾不移。

我今年致仕歸故鄉。仲冬二十九日。夙

發江戶之邸。臨別賦詩遣男九成。文

不加點。信口漫道。

元祿庚午冬。遁跡東海濱。致仕解印綬。縱作
葛夫民。盤旋廣莫野。一洗榮辱塵。昔涎首陽

薇。今羹吳江蓴。三十有年來。夙志於焉伸。予
去又何處。不知再會辰。嗚呼汝欽哉。治國必
依仁。禍始自閨門。慎勿亂五倫。朋友盡禮儀。
且暮慮忠純。古謂君雖以不君。臣不可不臣。

已卯九月念一日。過摩訶衍庵。黑白相

攜。採松菰。晡時歸庵。熟談移晷。壁上

有元政上人真跡。各次其韻。寡人行

他字賦古詩一十二句云

昨苦霖。晴報今緩步。徑命藤杖行。帶夕陽

扣叢林。緇素三五度。峯嶺共採松。菰饑松陰
 敬耳。忽有澎湃而來者。我云風有音乎。松有
 音。歸來就蒲膳。座間屢醉沈。壁上有題詩。一
 篇手澤。即是政公秋夜寓懷吟。退視蚓蛇入
 艸走。拜讀鬼神聞馨歆。醍醐不堪味。高韻欲
 交侵。只愧貂續狗尾。可笑雞伴仙禽。縱懷芸
 窻下。放眼楓崖岑。君看青葉經霜變。紅葉頻
 悟俗心練了。即佛心。

秋懷

晴亦好。雨亦奇。桂子飄真如月。荷葉敗無熱
 池。看了蒲柳質。覺這筋力衰。牕暗務觀七年
 恨。燈青宋玉千歲悲。聞雁漫吟蘇李五言詩。
 五言詩我亦信口。縱志所之。

會言

法兮法華經。法兮法華經。鶯兒兮。繇蠻佛音
 兮叮嚀。柳絲拋機杼。花上懸金鈴。奈何近。馴
 書牕下。人來人來不堪聽。

注酒注酒。嘖嘖穿牖。我有佳賓。室有巧婦。賀
 大厦成。與燕好友。營巢檐瓦。覓食田畝。聚樹
 躍庭。近馴情厚。鷹鷂不到。不設羅網。依人長得
 天然壽。

剖葦

傀儡子。傀儡子。胡鳥呼傀儡子。無木人歌舞
 態形小。與蒿雀比。葦萌來。分葦枯去。頡之頡
 之。刷絲綺。常藏葦中。食葦蠹。剖葦之名始于

此君看富貴。奢榮華。夢死炊梁裏。不若偃郭
 運妙巧。以飾一時喜。

佛法僧

佛法僧佛法僧。更無名。可以稱始。詠於空海
 詩。古來騷人。未曾聞鳥聲。須頻悟。三寶盡歸
 一乘。

郭公

現 楊升菴佛
鳥詩體

郭公郭公。倦飛啼木。飢食蟲生。子託他巢。布
 穀。劬惰農。何混其名。誤杜鵑。郭公郭公

常山文集卷之十五終

常山文集卷之十六



權中納言從三位源朝臣綱條輯

詩餘

長相思

春遊

日遲遲。柳離離。風擲鶯梭。縹翠絲。春光野趣

奇。催詩思。摘吟髭。月射稜稜。瘦鶴姿。上窗

寫伯夷

菩薩蠻 并引

月坡禪師駐錫常陽天德寺。予結方外交。十六年於茲。或入白蓮社。聞法。或饗伊蒲膳。味禪。暫得半日閒。不知俗塵侵。是歲暮春。將命駕。浮盃歸故鄉。臨餞。筵惜別。作菩薩蠻雙調。代陽關曲云。

西來灑法東漸水。一朝飛錫歸鄉里。別恨作麼生。不堪無限情。○匆匆何處去。莫奈辭之遽。分袂涕霑胸。相期摩頂松。

搗練子 花前設燕

寒食節。養花天。何事枝頭火欲然。麗日風溫。冰霰走。醉人衣錦舞瓊筵。

采桑子 白牡丹

一叢白玉春餘盛。金蕊瓊房。魏紫姚黃。失色須南面。素王。○朝來處處看花客。競走如狂。偏愛天香。不顧桑麻及稻粱。

鵲橋仙 七夕

累累瓜果。芬芬香粉。乞巧棚明星酒。年年更

不負佳期也。永矢天長地久。○隔河牛女。填橋烏鵲。何比人間合偶。只憂耕織失其時。天帝責惰農慵婦。

憶漢月 中秋月

今夜惟中秋節。一鏡挂明林樾。鵲飛牛喘。列星稀。引杖步無蹤。雪。○幽居幽賞處。天漢淨風收塵絕。掃除盡富貴浮雲。高卧彼西山月。逝者如斯。不舍流。曝眸百里一望秋。淺則揭

山花子

觀調鷓鴣捕魚

深則厲。水悠悠。○驚影金鱗。浮又沒。隨人鳥鬼泳之游。漁獵忘歸。縱樂只亦何求。

秋波媚

羈中重陽

客舍重陽轉。添悲寂寞。故人稀。白衣已至。金樽云倒。秋屬東籬。○登高巖上。昔遊此。再遇菊花時。緬懷往事。電光石火。物換星移。

陽春曲 三調

又名喜春來。元祿五年壬申試筆

其一

日陽漸轉。黃鶯子。風暖初飛粉蝶兒。少年春

去復無來。甘蔗滓。人世幾回時。

涅槃經曰。譬如甘蔗。既被歷已。滓無復味。壯年盛色。亦復如是。

其二

梅窗日暖橫斜影。鶯暮風微斷續聲。春來無物可當情。常惺惺。吾克養吾生。

其三

曉窗風冷呵龜手。寒谷春回潤鳥喉。煙霞痼疾靡夷瘳。樽有酒。屢酌掃詩愁。

菩薩蠻雙調 壹闕 賀明心越禪師住常

陸岱宗山

當時久泣荆人璞。如今喜遇成王琢。拯溺百川東。靡然艸上風。○岱宗青未了。雲破矇而瞭。這箇萬年藤。永挑無盡燈。

望遠行雙調 一闕 送井上玄桐安積覺

歸江府

既喜楚然扣草堂。瞬息度炎涼。御風臨水暑相忘。乘月幾揚觴。○分袂去。盡情離。恨千千。復東西。雪降梅發與誰為。有意須催早歸來。

老大我頻迫。再會更難期。

摘得新 殘菊

拈一枝。秋容猶未衰。白衣今也去。倒殘卮。南山眼。是西來。意屬東籬。

迎春樂 元祿六年 癸酉元日

銷磨歲月如飛走。亦是四時之首。窻明起。予鶯兒友。喜暫作煙霞主。叶韻當○黃勻。彼陶彭澤。柳青歸此周濂溪。叶韻此幽僻無罣塵。犯一醉三盃酒。

王替荷葉盃 第一體題 正宗寺白蓮

方外結交蓮社。潛也共忘形。出於泥不染泥。滓君子德惟馨。

閑中好

山中好。塵世更無干。四面銀濤般。醉眠居枕安。

又和森尚謙韻

山中好。曾羨聖之清。我樂西山樂。如何無限情。

又和鈴木玄知韻

山中好。塵外卧幽香。得意紗窗下。攤書忘日長。

字字雙

重重累累岑復岑。綠遶西山深復深。時時舉白斟復斟。陶陶擊節吟復吟。

荷葉盃 第二一體 單調

香益淨亭亭植如拭。湛露瀉瓊華。瑤池風度玉簪斜。花麼花花麼花。

如夢令 悼亡弟無外居士

昨日悲生分手。今歲忽為烏有。弟捨我何之。骨肉雖原頭朽。知否知否。魂若知享。牲酒。

醉紅妝 題正宗寺紅楓 用洪武正韻

景遊徐步扣禪扉。靜燒葉共倒危霞。蒸霜醉紺園。緋碎蜀錦點燕肢。仰看白塔映紅奇。夕陽照襲朱衣。欲識本來無一物。滿山樹雪花飛。

韓詩云。川原遠近蒸紅霞。圓通是古一佛傳云。道濟臨終云。吾塔以青色為之。佗。

日塔紅即吾再來。及是至之夕。塔為之。
紅。自得云。看看。本來無一物。滿山雲。樹
雪花
紅

燕彰考館賦醉花陰一闋似諸生

花有文章多艷麗。史酌醉。嚙。勿謂有來年。
離。帶。花。萎。人。况。無。根。蒂。○日長。不得長繩繫。
過客何凝滯。歸雁太憎生。違侶負春爾。獨其
高。遣

山花子 賞彰考館櫻花

彰考芳櫻抱石披。錦心繡口吐英姿。總富良

辰美景尚如飢。○白雪一朝停。旅客香風千
里隔雲兒。花也歸根春也去。我今噫

法眼奧山立庵醫伯相攸。江左海岸構

樓。揭以皎兮二字。暇則牽友酌酒。翫

月觀潮。予聞為作西江月雙調一闋

以助款乃之餘音

碧浪遙涵戶牖。金波蕩射簷楹。仰看搗藥兔

長生。俯伴影娥池影。○白了庾樓潘室。皎兮

地緯天經。物皆鮮瑩。矧人靈視聽。什麼不醒

鵲橋仙

七夕

二星隔位。七襄整駕。月剔燈。雲蔭幄。穿針設
果亦奚爲。不若彼咸視隆腹。○愁霖日久。荒
年民餓。什麼蒙無罪戮。天孫若也有靈兮。願
乞爲荐飢雨穀。

退方怨

單調詠雁送別

辭朔漠。度秋旻。鴻雁來賓。天東高飛湘左濱。
斗南遙隔筑波雲。明年如有意。莫過春
一品親王。近臣朝散大夫圭齋藤兄者。

多年舊識也。今茲仲秋二日過我山
園谷深。人跡殆稀。況距武城二百有
餘里。不意黍蒙遠顧。垂青話心。揚盃
抵掌。歡樂未央。遽爾告別。欲開東閣
以投轄。無奈公務之逼。何悵悵焉。情
滋戚矣。於是挈榼提壺。追而送之。久
慈川之許。屈駕開宴。更酌交歡。夕陽
西。傾驪駒在路。醉中判袂。北南分背。
袞塵遮眼。行人漸遠。因作詩餘二闋。

以代陽關三疊

接賢賓詞

世緣遼隔若參辰。人稀絕囂塵。都騎物色。駝
矣倒屣迎門。○偶然萍水相逢處。話心懇淡
交親。一喜一愁情緒亂。復望渭樹江雲。巨卿
盟。元伯。騰。調和薦嘉賓。

都騎。美一騎也。詩綿篇。混一夷駝矣。註駝突也。字書卒相見謂之突。後漢范巨卿與張元伯友。各歸鄉里。巨卿謂元伯曰。後二年當過。至期元伯設騰候之。至日巨卿果到。升堂盡歡而別。

望江南詞

千萬樂朋自遠方來。空谷足音添我喜。閨窻
笑口為君開。已耐棗分梨。○千萬恨銷了。黯
然魂。今日偶為常陸客。明朝也是武江人。翹
跛馬蹄塵。

遊仙窟。相知不在棗。又不忍即分梨。註棗借聲為早。梨為離。

南柯子 單調題雪

翠岸蹲鹽虎。蒼溟駭玉龍。登高樓放眼天東。
疑大鵬翱翔。素毳翻空。

迎春樂

元祿十二年
巳卯元旦

市朝競賀三元始。山深更無人抵。抵來者只
春而已。從是喜添長晷。○人皆畫神荼鬱壘。
予夙被黃鶯呼起。卯飲啜梅花了。醉隱烏皮
几。

巫山一段雲

題長勝寺遺愛亭

亭是雖依舊。人非而則亡。海潮來咽海雲狂。
草木亦悲傷。○風落暗星斗。月寒照屋梁。昔
時遺愛不能忘。寐寤見羹牆。

一剪梅

者樂亭下卽興

者樂亭邊縛繫舟。身在輕舟。心若虛舟。海雲
風靜。思悠悠。天亦悠悠。水亦悠悠。○醉了眠
醒。拭却眸。恣放遙眸。近入詩眸。微吟緩步
登樓。月轉南樓。日沒西樓。

常山文集卷之十六終

常山太極卷之十六

市明禮賀三元始

春而已

多風

登蘇日

題林

風蕭

味樂亭

時道

